

《法華經》安樂行義》略釋 科判

陳南嶽思大禪師說

釋道淨 整理 20240806 2 稿 微信 qq 973451196 禁止商用篡改 法律責任必究

表 0-1：（2 表）总表

科判												
全論分三	甲一約一經分二	乙一舉經勸修分二（表1）	丙一長行分二	丁一嘆經總勸								
				丁二引經詳勸分三	戊一勸精進							
					戊二勸觀想如佛							
					戊三勸修禪定							
				丙二偈頌分二	丁一頌勸修法華							
					丁二頌修習禪定分三	戊一頌稱性起修						
			戊二頌全修在性									
			戊三頌性修不二									
			乙二約經廣釋分五	丙一設問（表2）								
				丙二略釋妙法（表2）								
		丙三解釋蓮華分二（表2）				丁一約修因解釋						
						丁二約證果解釋						
		丙四詳釋妙法分四		丁一總釋（表2）								
				丁二別釋分二	戊一解釋六種相妙分二	己一就所證之果顯妙（表2）						
	己二就能證之人顯妙分三（表3）					庚一略標二種						
						庚二相待顯妙分二	辛一凡種不覺					
							辛二聖種善覺分三	壬一空觀				
								壬二假觀				
	壬三中觀											
	庚三絕待顯妙											
	戊二解釋性清淨分三（表3）					己一眼王自在						
					己二其性清淨							
					己三例結							
	丁三引證總結（表3）											
	丁四證成分二（表4）		戊一約涅槃證釋分二	己一引經三義								
				己二分別解釋分三	庚一解釋常故不流							
					庚二解釋無盡							
			庚三解釋如來金剛之身									
			戊二約驚崛證釋分二	己一問								
				己二答分三	庚一略釋一學							
	庚二引第五答為證											
	庚三引第六答為證											
	丙五總結勸修（表5）											

表 0-2: (2 表) 總表

全 論 分 三	甲 二 約 一 品 分 二	乙一問答略釋分二（表 5）		丙一問				
				丙二答分三	丁一略釋品名			
					丁二略釋四安樂			
					丁三解釋二種行分二	戊一無相行 戊二有相行		
		乙二詳釋品名分二	丙一約實直解法義分四（表 6）	丁一進問安樂行義				
				丁二以三種忍答				
				丁三進問忍與安義				
				丁四廣答分五	戊一略釋二忍			
					戊二詳釋二忍分二		己一生忍 己二眾生忍	
					戊三釋不動忍分二	己一諸法性空故名不動 己二畢竟空故名不動		
					戊四合釋安樂行			
					戊五指前			
			丙二約權相待解義分四（表 7）		丁一凡夫			
				丁二聲聞分三	戊一總明四念處			
					戊二別明四念處分四	己一身念處破煩惱魔，		
						己二受念處破陰入界魔		
						己三心念處破死魔		
						己四法念處破天子魔		
				戊三結歸聲聞道				
				丁三鈍根菩薩				
			丁四法華安樂行					
			乙二詳釋忍辱地分二	乙一舉出經文（表 8）				
				丙一問（表 8）				
				丙二答分三	丁一眾生忍分四	戊一正釋眾生忍三意分三（表 8）		己一空觀
		己二假觀						
		己三中觀						
		戊二釋辱（表 8）						
		戊三廣釋第三忍分二（表 8）				己一問		
					己二答分三	庚一斥非		
		庚二顯是						
		庚三再斥世俗忍						
		戊四釋地（表 9）						
		丁二法忍分三（表 9）			戊一一切法空觀			
				戊二同一法身觀				
				戊三方便具足觀				
				丁三大忍分四（表 9）	戊一證涅槃入實際			
					戊二憶本誓念眾生			
		戊三具佛智度一切						
		戊四總結						
		乙三略解余文分七（表 9）		丙一釋柔和善順				
				丙二而不卒暴				
			丙三心亦不驚					
			丙四於法無所行					
			丙五而觀諸法如實相					
			丙六亦不行不分別					
			丙七總結					

表 1：(9 表)

科判				論文
全論分三	甲一約一經分二	乙一舉經勸修分二	丙一長行分二	<p>法華經者，大乘頓覺、無師自悟、疾成佛道、一切世間難信法門。</p> <p>凡是一切新學菩薩欲求大乘、超過一切諸菩薩、疾成佛道，須持戒、忍辱、精進、勤修禪定，專心勤學法華三昧，觀一切眾生皆如佛想，合掌禮拜如敬世尊，亦觀一切眾生皆如大菩薩、善知識想。</p>
				<p>勇猛精進求佛道者，如藥王菩薩難行苦行，於過去日月淨明德佛法中，名為一切眾生喜見菩薩，聞法華經精進求佛，於一生中得佛神通。</p> <p>亦如過去妙莊嚴王，舍國王位以付其弟，王及群臣夫人太子內外眷屬，於雲雷音王佛法中出家，誦法華經專求佛道，過八萬四千歲，一生具足諸佛神通受記作佛。</p> <p>爾時人民壽命大長八萬九千歲，與今閻浮提八十年四百日等，於三天下八十四年等。</p> <p>今時人壽命短促，惡世劫濁苦逼惱多，是故於此求道易得。</p>
				<p>觀一切眾生皆如佛想者，如常不輕菩薩品中說。</p>
				<p>勤修禪定者，如安樂行品初說。</p> <p>何以故？一切眾生具足法身藏、與佛一無異。</p> <p>如佛藏經中說，三十二相、八十種好湛然清淨。眾生但以亂心惑障、六情暗濁，法身不現。</p> <p>如鏡塵垢，面像不現。</p> <p>是故行人勤修禪定，淨惑障垢，法身顯現。</p> <p>是故經言，法師父母所生清淨常眼，耳鼻舌身意亦復如是。</p> <p>若坐禪時，不見諸法常與無常。</p> <p>如《安樂行》中說菩薩觀一切法：“無有常住，亦無起滅，是名智者，所親近處”。</p>
			丙二偈頌分二	<p>丁一嘆經總勸</p>
				<p>戊一勸精進</p>
				<p>戊二勸觀想如佛</p>
				<p>戊三勸修禪定</p>
				<p>丁一頌勸修法華</p>
				<p>戊一頌稱性起修</p>
				<p>戊二頌全修在性</p>
				<p>戊三頌性修不二</p>

表 2: (9 表)

全論分三	甲一約一經分二	乙二約經廣釋分五	丙一設問		問曰：云何名為《妙法蓮華經》？ 云何複名一乘義？云何複名如來藏？ 云何名為摩訶衍？云何複名大摩訶衍？ 如大品經說，摩訶言大，衍者名乘，亦名到彼岸，云何更有大摩訶衍？ 云何複名眾生義？	
			丙二略釋妙法		答曰：妙者，眾生妙故。 法者，即是眾生法。	
			丙三解釋蓮華分二	丁一約修因解釋	蓮華者是借喻語。 譬如世間水陸之華，各有狂華，虛誑不實、實者甚少。 若是蓮華即不如此，一切蓮華皆無狂華，有華即有實。 餘華結實顯露易知，蓮華結實隱顯難見。 狂華者，喻諸外道。 餘華結果顯露易知者，即是二乘。 亦是鈍根菩薩次第道行優劣差別、斷煩惱集，亦名顯露易知。 法華菩薩即不如此，不作次第行，亦不斷煩惱。 若證法華經，畢竟成佛道。 若修法華行，不行二乘路。	
				丁二約證果解釋	問曰：餘華一華成一果，蓮華一華成眾果。 一華一果者豈非一乘？ 一華成眾果者豈非次第？ 答曰：諸水陸華，一華成一果者甚少，墮落不成者甚多，狂華無果可說。 一華成一果者，發聲聞心即有聲聞果，發緣覺心有緣覺果，不得名菩薩佛果。 複次鈍根菩薩修對治行次第入道，登初一地，是時不得名為法雲地。 地地別修，證非一時，是故不名一華成眾果。 法華菩薩即不如此。 一心一學眾果普備，一時具足非次第入。 亦如蓮華，一華成眾果，一時具足，是名一乘眾生之義。 是故涅槃經言：或有菩薩善知從一地至一地。 思益經言：或有菩薩不從一地至一地。 從一地至一地者，是二乘聲聞及鈍根菩薩方便道中次第修學。 不從一地至一地者是利根菩薩，正直舍方便，不修次第行。 若證法華三昧，眾果悉具足。	
			丙四詳釋妙法分四	丁一總釋		問曰：云何名眾生妙？ 云何複名眾生法耶？ 答曰：眾生妙者，一切人身六種相妙，六自在王性清淨故。
				丁二別釋分二	戊一解釋六種相妙分二	己一就所證之果顯妙
					六種相者，即是六根。 有人求道，受持法華讀誦修行，觀法性空，知十八界無所有性。 得深禪定，具足四種妙安樂行。 得六神通、父母所生清淨常眼，得此眼時，善知一切諸佛境界，亦知一切眾生業緣、色心果報、生死出沒、上下好丑，一念悉知；於眼通中具足十力、十八不共、三明、八解，一切神通悉在眼通一時具足。 此豈非是眾生眼妙，眾生眼妙即佛眼也。	

表 3: (9 表)

全論分三 甲一約一經分二 乙二約經廣釋分五 丙四詳釋妙法分四	丁二別釋分二	戊一解釋六種相妙分二	己二就能證之人顯妙分三	庚一略標二種		云何名種？種有二：一名凡種，二名聖種。	
				辛二聖種善覺分三	辛一凡種不覺	凡種者，不能覺了。 因眼見色，生貪愛心。 愛者，即是無明。 為愛造業，名之為行。 隨業受報，天人諸趣遍行六道，故稱行也。 相續不絕，名之為種。是名凡種。	
					壬一空觀	聖種者，因善知識善能覺了。 眼見色時作是思惟，今見色者，誰能見耶？眼根見耶？眼識見耶？空明見耶？為色自見？意識對耶？ 若意識對，盲應見色。 若色自見，亦復如是。 若空明見，空明無心亦無覺觸、不能見色。 若眼識能見，識無自體假託眾緣，眾緣性空無有合散，一一諦觀求眼不得，亦無眼名字。 若眼能見，青盲之人亦應見色。 何以故？根不壞故。 如是觀時，無眼、無色、亦無見者，復無不見。	
						壬二假觀	男女等身本從一念無明不了妄念心生。 此妄念之心，猶如虛空。 身如夢、如影、如焰、如化，亦如空華，求不可得，無斷無常。
						壬三中觀	眼對色時則無貪愛。 何以故？虛空不能貪愛虛空。 不斷無明不生於明，是時煩惱即是菩提，無明緣行即是涅槃。 乃至老死亦復如是，法若無生，即無老死。 不著諸法，故稱聖種。
				庚三絕待顯妙		凡種、聖種無一無二，明與無明亦復如是，故名為眼種相妙。 耳、鼻、舌、身、意亦復如是。	
		戊二解釋性清淨分三	己一眼王自在		六自在王性清淨者。 一者眼王。 因眼見色，生貪愛心。 愛者，即是無明，一切煩惱皆屬貪愛。 是愛無明無能制者，自在如王。		
			己二其性清淨		性清淨者，如上觀眼義中說，用金剛慧覺了愛心，即是無無明無老死。 是金剛慧其力最大，名為首楞嚴定。 譬如健將能伏怨敵，能令四方世界清淨。 是金剛智慧亦復如是，能觀貪愛無明諸行即是菩提涅槃聖行，無明貪愛即是菩提金剛智慧。		
			己三例結		眼自在王性本常淨、無能汙者，是故佛言：父母所生清淨常眼。 耳、鼻、舌、身、意亦復如是。		
		丁三引證總結				是故般若經說，六自在王性清淨。 故龍樹菩薩言，當知人身六種相妙。 人身者即是眾生身，眾生身即是如來身，眾生之身同一法身不變易故。 是故《華嚴經》歡喜地中言：其性從本來，寂然無生滅。從本已來空，永無諸煩惱。 覺了諸法爾，超勝成佛道。	

表 4：(9 表)

全論分三 甲一約一經分二 乙二約經廣釋分五 丙四詳釋妙法分四	丁四證成分二	戊一約涅槃證釋分二	己一引經三義	<p>凡夫之人若能覺此諸陰實法，如涅槃中迦葉問佛：所言字者，其義云何？</p> <p>佛告迦葉：有十四音，名為字義。</p> <p>所言字者，名為菩提，常故不流；若不流者，即是無盡；夫無盡者，即是如來金剛之身。</p>
			己二分別解釋分三	<p>問曰：云何名常故不流？</p> <p>答曰：眼常故名為不流。云何名常？無生故常。</p> <p>問曰：云何無生？答曰：眼不生故。</p> <p>何以故？眼見色時及觀眼原，求眼不得，既無情識亦無有色。眼界空故，即無斷常，亦非中道。眼界即是諸佛法界。覺知此眼無始無來處，亦無無始。猶若虛空，非三世攝。如般若經中曇無竭菩薩語薩陀波侖言：</p> <p>善男子，空法不來不去，空法即是佛；</p> <p>無生法無來無去，無生法即是佛；</p> <p>無滅法無來無去，無滅法即是佛。</p> <p>是故當知眼界空故，空者即是常。眼空常故，眼即是佛。眼無貪愛，愛者即是流，流者即是生。</p> <p>眼無貪愛，即無流動；若無流動，即無有生；</p> <p>眼不生故，無來無去，無生即是佛。</p>
			庚二解釋無盡	<p>眼既無生，即無有滅。滅者名為盡，眼既無滅，當知無盡。眼既非盡，無來、無去、亦無住處，眼無盡即是佛。</p>
			庚三解釋如來金剛之身	<p>菩薩以是金剛智慧，知諸法如、無生、無盡。眼等諸法如即是佛，故名如來金剛之身。</p> <p>覺諸法如故，名為如來，非獨金色身如來也。</p> <p>得如實智，故稱如來。</p> <p>得眼色如實智，耳聲、鼻香、舌味、身觸、意法如實智，故名如來金剛之身。</p> <p>如法相解，如法相說。如言無生，來言無滅。</p> <p>佛如是來，更不復去。乘如實道，故名如來。</p>
		戊二約驚崛證釋分二	己一問	<p>問曰：佛何經中說眼等諸法如，名為如來？</p>
			庚一略釋一學	<p>答曰：大強精進經中佛問鳶崛摩羅：云何名一學？</p> <p>鳶崛答佛：一學者，名一乘。乘者，名為能度之義，亦名運載。</p>
			己二答分三	<p>鳶崛摩羅十種答佛。</p> <p>一答有二種，足二十答。</p> <p>今且略說以鳶崛摩羅第五答中乃至第六答，以此二處四種答中總說眼等如來義。</p> <p>云何名為五？所謂彼五根，此則聲聞乘，非是如來義。</p> <p>云何如來義？</p> <p>所謂彼眼根，於諸如來常，決定分明見，具足無減修。</p> <p>所謂彼耳根，於諸如來常，決定分明聞，具足無減修。</p> <p>所謂彼鼻根，於諸如來常，決定分明嗅，具足無減修。</p> <p>所謂彼舌根，於諸如來常，決定分明嘗，具足無減修。</p> <p>所謂彼身根，於諸如來常，決定分明觸，具足無減修。</p> <p>所謂彼意根，於諸如來常，決定分明識，具足無減修。</p>
			庚二引第五答為證	<p>云何名為六？所謂六入處，是則聲聞乘，非是如來義。</p> <p>所謂眼入處，於諸如來常。明見來入門，具足無減修。</p> <p>所謂耳入處，於諸如來常，明聞來入門，具足無減修。</p> <p>所謂鼻入處，於諸如來常，明嗅來入門，具足無減修。</p> <p>所謂舌入處，於諸如來常，明嘗來入門，具足無減修。</p> <p>所謂身入處，於諸如來常，明觸來入門，具足無減修。</p> <p>所謂意入處，於諸如來常，決定分明識，淨信來入門，具足無減修。</p>
			庚三引第六答為證	<p>修。</p>

表 5: (9 表)

全論分三	甲一約一經分二		乙二約經廣釋分五	丙五總結勸修	是故初發心，新學諸菩薩，應善觀眼原，畢竟無生滅。耳鼻舌身意，其性從本來，不斷亦非常，寂然無生滅。色性無空假，不沒亦不出，性淨等真如，畢竟無生滅。聲香味觸法，從本已來空，非明亦非暗，寂然無生滅。根塵既空寂，六識即無生，三六如如性，十八界無名。眾生與如來，同共一法身，清淨妙無比，稱妙法華經。是故大集中，佛告淨聲王，汝名曰淨聲，當淨汝自界。自眼界空，即持戒清淨，眼界空寂故，即佛土清淨。耳鼻舌身意，性畢竟空寂，是名諸如來，修習淨土義。
	甲二約一品分二	乙一問答略釋分二	丙一問		問曰：云何名為安樂行？云何複名四安樂？云何複名二種行：一者無相行，二者有相行？
			丁一略釋品名		答曰：一切法中心不動，故曰安。 於一切法中無受陰，故曰樂。 自利利他，故曰行。
			丁二略釋四安樂		複次四種安樂行。 第一名為正慧離著安樂行。 第二名為無輕贊毀安樂行，亦名轉諸聲聞令得佛智安樂行。 第三名為無惱平等安樂行，亦名敬善知識安樂行。 第四名為慈悲接引安樂行，亦名夢中具足成就神通智慧佛道涅槃安樂行。
			丁三解釋二種行分二	戊一無相行	複次二種行者。 何故名為無相行？無相行者，即是安樂行。 一切諸法中，心相寂滅畢竟不生，故名為無相行也。 常在一一切深妙禪定，行住坐臥、飲食語言一切威儀，心常定故。 諸餘禪定，三界次第，從欲界地、未到地、初禪地、二禪地、三禪地、四禪地、空處地、識處、無所有處地、非有想非無想處地。 如是次第，有十一種地差別不同，有法無法二道為別，是阿毗曇雜心聖行。 安樂行中深妙禪定即不如此。 何以故？不依止欲界，不住色無色，行如是禪定，是菩薩遍行，畢竟無心想，故名無想行。
				戊二有相行	複次有相行。 此是普賢勸發品中，誦法華經散心精進。 如是等人，不修禪定、不入三昧，若坐若立若行，一心專念法華文字，精進不臥、如救頭然，是名文字有相行。 此行者不顧身命，若行成就，即見普賢金剛色身乘六牙象王住其人前。 以金剛杵擬行者眼，障道罪滅、眼根清淨，得見釋迦及見七佛，復見十方三世諸佛，至心懺悔，在諸佛前五體投地，起合掌立。 得三種陀羅尼門。 一者總持陀羅尼。肉眼、天眼、菩薩道慧。 二者百千萬億旋陀羅尼。具足菩薩道種慧、法眼清淨。 三者法音方便陀羅尼。具足菩薩一切種慧、佛眼清淨。 是時即得具足一切三世佛法。 或一生修行得具足，或二生得，極大遲者三生即得。 若顧身命、貪四事供養、不能勤修，經劫不得。 是故名為有相也。

表 6: (9 表)

全論分三	甲二約一品分二	乙二詳釋品名分二	丙一約實直解法義分四	丁一進問安樂行義		問曰：云何名為一切法中心不動故曰安，一切法中無受陰故曰樂，自利利他曰行？
				丁二以三種忍答		<p>答曰：一切法者。</p> <p>所謂三毒、四大、五陰、十二入、十八界、十二因緣，是名一切法也。</p> <p>菩薩於是一切法中用三忍慧，一者名為眾生忍，二者名法性忍，三者名法界海神通忍。</p> <p>眾生忍者，名為生忍。法性忍者，名為法忍。</p> <p>法界海神通忍者，名為大忍。</p> <p>前二種忍，名破無明煩惱忍，亦名聖行忍。</p> <p>聖人行處，故名聖行。凡夫能行即入聖位，是為聖行。</p> <p>大忍者，具足五通及第六通，具足四如意足，而對十方諸佛及諸天王面對共語。</p> <p>一念能覺一切凡聖，故名大忍。</p> <p>於諸神通心不動，聖道具足，名為聖忍。</p> <p>三忍者，即是正慧離著安樂行。</p>
				丁三進問忍與安義		<p>問曰：云何名為生忍？複名眾生忍？</p> <p>云何名不動忍？複名之為安？</p>
				丁四廣答分五	戊一略釋二忍	<p>答曰：生忍，名為因；眾生忍者，名之為果。</p> <p>因者，眾生因。果者，眾生果。</p> <p>因者是無明，果者是身行。</p>
					戊二詳釋二忍分二	<p>己一生忍</p> <p>正慧觀於因，破無明斷一切煩惱。</p> <p>一切法畢竟無和合，亦無聚集相，亦不見離散，是菩薩知集聖諦微妙慧，是名生忍。</p> <p>若無和合，不動、不流，即無有生。</p>
					己二眾生忍	<p>眾生忍者，名為身行諸受，受為苦。</p> <p>受有三，苦受、樂受、不苦不樂受。</p> <p>何以故？破打罵時觀苦受。打為身苦，罵為心苦。</p> <p>飲食衣服細滑供養，名為身樂，及諸摩觸亦名身樂。</p> <p>稱揚讚歎，名為心樂。</p> <p>卒得好佈施，眼見未受及其受已，亦名心樂。</p> <p>觀此無明受及與苦樂。</p> <p>受苦時，起忍辱慈悲、不生嗔心；受樂時，觀離受、心不貪著；受不苦不樂時，遠離舍心、不生無明。</p> <p>一切諸受畢竟空寂，無生滅故。</p>
					戊三釋不動忍分二	<p>己一諸法性空故名不動</p> <p>此三受皆從一念妄心生。</p> <p>菩薩觀此供養打罵、讚歎毀訾、與者受者如夢如化，誰打誰罵誰受、誰喜誰恚，與者受者皆是妄念。</p> <p>觀此妄念畢竟無心，無我無人，男女色像、怨親中人、頭等六分如虛空影，無所得故，是名不動。</p> <p>如隨自意三昧中說。</p>
					己二畢竟空故名不動	<p>菩薩自於十八界中心無生滅，亦教眾生無生滅。</p> <p>始從生死終至菩提，一切法性畢竟不動。</p> <p>所謂眼性、色性、識性，耳鼻舌身意性，乃至聲香味觸法性，耳識因緣生諸受性，鼻舌身意識因緣生諸受性，無自無他、畢竟空故，是名不動。</p>
					戊四合釋安樂行	<p>自覺覺他，故名曰安。</p> <p>自斷三受不生、畢竟空寂，無三受故，諸受畢竟不生，是名為樂。</p> <p>一切法中心無行處，亦教眾生一切法中心無所行，修禪不息並持法華，故名為行。</p>
					戊五指前	如鶻崛摩羅眼根、入義中說，亦如涅槃中佛性如來藏中說。

表 7：(9 表)

全論分三	甲二約一品分二	乙二詳釋品名分二	丙二約權相待解義分四	丁一凡夫		安樂行義者眾多非一，今更略說。 一切凡夫陰界入中，無明貪愛起受念著。 純罪苦行，不能自安； 生死不絕，是故無樂；名為苦行。
				丁二聲聞分三	戊一總明四念處	一切二乘諸聲聞人，陰界入中能對治觀。 不淨觀法能斷貪淫，慈心觀法能斷嗔恚， 因緣觀法能斷愚痴。 別名字說，名為四念處。 是四念有三十七種差別名字，名為道品。
					己一身念處破煩惱魔	觀身不淨，即能了知此不淨身是無明根本、 空無生處。 不淨觀法能破身見，男女憎愛及中間人皆 歸空寂，是名破煩惱魔。
					己二受念處破陰入界魔	觀十八界三受法，外苦受陰、內苦受陰， 知是苦受陰。 身心所行受念著處，一切皆苦，舍之不著。 內樂受、外樂受、內外樂受，觀此樂受， 心貪著故，能作苦因，舍之不受，知樂受一切 皆空。 苦樂二觀能破世諦，心住真諦。 初舍苦樂，便得不苦不樂。 以貪著故，復是無明。 復更觀此不苦不樂受，無所依止，無常變 壞。 何以故？ 因舍苦樂得不苦樂，苦樂二觀既無生處亦 無滅處、畢竟空寂，不苦不樂從何處生？ 如是觀時，空無所得，亦無可舍。 既無可舍，亦復不得無可舍法。 若無世諦，則無真諦。 真假俱寂，是時即破陰入界魔。
					己三心念處破死魔	觀心無常，生滅不住。 觀察是心本從何生？ 如此觀時，都不見心，亦無生滅，非斷非 常，不住中道。 如此觀已，即無死魔。
					己四法念處破天子魔	法念處中，觀一切法，若善法、若不善法、 若無記法，皆如虛空不可選擇。 於諸法中畢竟心不動，亦無住相，得不動 三昧，即無天子魔。
				戊三結歸聲聞道		因舍三受得此解脫，名為苦樂行。 因果俱名為聲聞，非菩薩道。
				丁三鈍根菩薩		鈍根菩薩亦因此觀，無取捨為異。 何以故？ 色心三受畢竟不生。 無十八界故，無有內外受取。 既無受，即無可舍。 觀行雖同，無三受間故，巧慧方便能具足 故，是名安樂行。
				丁四法華安樂行		安樂行中觀則不如此，正直舍方便，但說 無上道。

表 8：(9 表)

全論分三 甲三約一段分三	乙一舉出經文		文殊師利菩薩白佛言：世尊，是諸菩薩於後惡世，云何能說是經？ 佛告文殊師利：若菩薩摩訶薩於後惡世欲說是經，當安住四法： 一者安住菩薩行處及親近處，能為眾生演說是經。 云何名為菩薩行處，若菩薩摩訶薩住忍辱地，柔和善順而不卒暴，心亦不驚，又復於法無所行，而觀諸法如實相，亦不行不分別，是名菩薩摩訶薩行處。					
	丙一問			云何名為住忍辱地？略說有三種忍： 一者眾生忍，二者法忍，三者大忍，亦名神通忍。				
	乙二詳釋忍辱地分二	丙二答分三	丁一眾生忍分四	戊一正釋眾生忍三意分三	己一空觀	眾生忍者，有三種意： 第一意者，菩薩受他打罵、輕辱毀訾，是時應忍而不還報。 應作是觀，由我有身令來打罵，譬如因的然後箭中，我若無身誰來打者。 我今當勤修習空觀，空觀若成，無有人能打殺我者。 若被罵時，正念思惟，而此罵聲隨開隨滅、前後不俱，審諦觀察亦無生滅。如空中響，誰罵誰受。音聲不來入耳，耳不往取聲。 如此觀已，都無嗔喜。		
					己二假觀	二種意者。 菩薩於一切眾生都無打罵，恆與軟語將護彼意，欲引導之，於打罵事心定不亂，是名眾生忍。 眾生若見菩薩忍即發菩提心，為眾生故，故名眾生忍。		
					己三中觀	第三意者。 於剛強惡眾生處，為調伏令改心故，或與粗言毀訾罵辱，令彼慚愧得發善心，名眾生忍。		
			戊二釋辱		云何名辱？不能忍者即名為辱，更無別法。			
			戊三廣釋第三忍分二	己二答分三	庚一斥非	己一問	問曰：打罵不嗔、慈悲軟語可名為忍，剛惡眾生處，菩薩是時不能忍耐，狀似嗔想、打拍罵辱，摧伏惡人令彼受苦，云何復得名為忍辱？	
						庚二顯是	答曰：打罵不報，此是世俗戒中外威儀忍。 及觀內空、音聲等空，身心空寂不起怨憎，此是新學菩薩息世譏嫌，修戒定智方便忍辱，非大菩薩也。 何以故？諸菩薩但觀眾生有利益處即便調伏。 為護大乘、護正法故，不必一切慈悲軟語。 涅槃中說，譬如往昔仙豫國王護方等經，殺五百婆羅門，令其命終入阿鼻地獄發菩提心，此豈非是大慈大悲，即是大忍。 涅槃復說有德國王護覺德法師並護正法故，殺一國中破戒惡人，令覺德法師得行正法。 王命終後，即生東方阿閼佛前，作第一大弟子。 臣兵眾亦生阿閼佛前，作第二、第三弟子。 諸破戒黑白惡人，命終皆墮阿鼻地獄。 於地獄中自識本罪，作是念言，我為惱害覺德法師，國王殺我。 即各生念發菩提心、從地獄出，還生覺德及有德國王所，為作弟子求無上道。 此菩薩大方便忍，非小菩薩之所能為，云何而言非是忍辱？ 覺德法師者，迦葉佛是。有德國王，釋迦佛是。 護法菩薩亦應如此，云何不名大忍辱也？	
					庚三再斥世俗忍		若有菩薩行世俗忍、不治惡人，令其長惡、敗壞正法，此菩薩即是惡魔、非菩薩也，亦復不得名聲聞也。 何以故？求世俗忍、不能護法，外雖似忍，純行魔業。 菩薩若修大慈大悲、具足忍辱、建立大乘及護眾生，不得專執世俗忍也。 何以故？若有菩薩將護惡人，不能治罰令其長惡，惱亂善人、敗壞正法，此人實非、外現詐似。常作是言，我行忍辱。 其人命終，與諸惡人俱墮地獄，是故不得名為忍辱。	

表 9：(9 表)

全論分三 甲三約一段分三	乙二詳釋忍辱地分二	丙二答分三	丁一眾 生忍分 四	戊四 釋地	云何複名住忍辱地？菩薩忍辱能生一切佛道功德。 譬如大地生長一切世間萬物。 忍辱亦復如是，菩薩修行大忍辱法，或時修行慈悲軟語、打罵不報，或復行惡口粗言、打拍眾生乃至盡命。 此二種忍皆為護正法調眾生故，非是初學之所能為，名具足忍。	
			丁二法 忍分三	戊一一切法 空觀	法忍者，有三種意：第一意者，自修聖行，觀一切法皆悉空寂，無生無滅、亦無斷常。所謂一切法，觀眼根空，耳鼻舌身意根空；眼色空，聲香味觸法皆空；觀眼識空，耳鼻舌身意識空。 無我無人無眾生，無造無作無受者，善惡之報如空華。 諸大陰界入皆空，三六十八無名號，無初無後無中間，其性本來常寂然。於一切法心不動，是名菩薩修法忍。	
				戊二同一法 身觀	第二意者。菩薩法忍悉具足，亦以此法教眾生。觀上中下根差別，方便轉令住大乘。聲聞緣覺至菩薩，三種觀行合同一，色心聖行無差別。二乘凡聖從本來，同一法身即是佛。	
				戊三方便具 足觀	第三意者。菩薩摩訶薩，以自在智觀眾生，方便同事調伏之。或現持戒行細行，或現破戒無威儀。為本誓願滿足故，現六道身調眾生。是名菩薩行法忍，方便具足化眾生。	
			丁三大 忍分四	戊一證涅槃 入實際	大忍者，名神通忍。云何名為神通忍？菩薩本初發心時，誓度十方一切眾生，勤修六度法，施、戒、忍辱、精進、禪定，三乘道品、一切智慧。得證涅槃、深入實際，上不見諸佛，下不見眾生。	
				戊二憶本誓 念眾生	即作是念，我本誓度一切眾生，今都不見一切眾生，將不違我往昔誓願？作是念時，十方一切現在諸佛即現色身，同聲讚歎此菩薩言：善哉善哉，大善男子，念本誓願，莫舍眾生。 我等諸佛初學道時，發大誓願廣度眾生，勤心學道。 既證涅槃深入實際，不見眾生。憶本誓願，即生悔心顧念眾生。是時即見十方諸佛同聲讚歎，我亦如汝，念本誓願莫舍眾生。	
				戊三具佛智 度一切	十方諸佛說是語時，菩薩是時聞諸佛語，心大歡喜，即得大神通，虛空中坐。 盡見十方一切諸佛，具足一切諸佛智慧，一念盡知十方佛心，亦知一切眾生心數，一念悉能遍觀察之，一時欲度一切眾生。	
				戊四總結	心廣大故，名為大忍。具足諸佛大人法故，名曰大忍。 為度眾生，色身智慧對機差別，一念心中現一切身、一時說法、一音能作無量音聲、無量眾生一時成道，是名神通忍。	
			乙三略解余文分七		丙一釋柔和善 順	柔和善順者，一者自柔伏其心，二者柔伏眾生。 和者，修六和敬，持戒修禪智，及證解脫法，乃至調眾生，嗔恚及忍辱，持戒及毀禁，皆同涅槃相。 所謂六和者，意和、身和、口和、戒和、利和及見和。 善順者，善知眾生根性，隨順調伏，是名同事，六神通攝。 柔和者名為法忍。善順者名為大忍。
					丙二而不卒暴	而不卒暴者，學佛法時不匆匆卒暴取證，外行威儀及化眾生亦復如是。
	丙三心亦不驚	心不驚者，驚之曰動。卒暴匆匆，即是驚動。 善聲惡聲乃至霹靂，諸惡境界及善色像，耳聞眼見心皆不動。 解空法故，畢竟無心，故言不驚。				
	丙四於法無所 行	又復於法無所行者，於五陰、十八界、十二因緣中，諸煩惱法畢竟空故，無心無處。復於禪定解脫法中，無智無心亦無所行。				
	丙五而觀諸法 如實相	而觀諸法如實相者，五陰、十八界、十二因緣皆是真如實性，無本末、無生滅、無煩惱無解脫。				
	丙六亦不行不 分別	亦不行不分別者，生死涅槃無一無異、凡夫及佛無二法界，故不可分別。亦不見不二，故言不行不分別，不分別相不可得故。				
	丙七总结	菩薩住此無名三昧，雖無所住而能發一切神通，不假方便，是名菩薩摩訶薩行處。初入聖位即與等，此是不動真常法身，非是方便緣合法身，亦得名為證如來藏乃至意藏。				